

欽定科場條例

新定科場條例卷三十

禁令

不准臨場條奏

現行事例

一鄉會試年。不准條奏科場事務。文會試不得過上年冬月。武會試不得過本年春月。如有違例臨期陳奏者。承辦衙門於議覆摺內。無論准駁。一併將該員奏明。交部察議。

一鄉會試前一月之內。利道等除特叅大員。紳

寬理枉迫不及待者。准其入奏外。其尋常事務。一概不准屆期具奏。

例案

乾隆十二年。御史孫宗溥奏。請應試士子。並作科舉者。令該學嚴實造冊。照部議定額。酌量考取入場。一摺。奉

上諭。向來鄉會試之年。不准條陳科場事務。照例。士子潛心誦讀。不必紛更成例。以擾其心。其有違礙一端。立法。是為大忌。人心時不可言。

場期已近。紛紛陳奏。孫宗溥摺。著交部暫存。俟科場
事畢。另行議奏。嗣後如有似此違例條奏者。必交部
察議。並傳諭科道等知之。欽此。

乾隆四十年。禮部具奏。據御史孟邵條奏。鄉會
試不得撥房取中。並嚴禁經頭等款。奉

硃批。軍機大臣會同該部速議具奏。欽此。經軍機大臣
會議。恭摺具奏。奉

旨依議。欽此。欽遵在案。查鄉會試年。不准條陳科場事
務。會於乾隆十二年。奉有

諭旨。至十五年纂輯科場條例時。承辦堂司各官。並未
恭載例內。實屬遺漏。至此次議覆御史孟邵條
奏。該司未能卽時查出呈明。亦屬疎忽。應請交
部分別察議。其臨場違例條奏之御史孟邵。應
請一併交部察議。並載入科場條例。永遠遵行
等因奉

旨。禮部奏前日議覆御史孟邵條陳一摺。未將臨場不
准條奏科場事宜之例查出。請將從前遺漏未載條
例之堂司官。及此次未能查例呈明之司員。並違例

條奏之御史交部分別察議等語。禮部既奉有科場事宜諭旨。自應刊入條例遵行。前既遺漏未刊。今又疎忽不能查出。均難辭咎。所有禮部應議之堂司各官。俱著交部分別察議。至御史孟邵。未能諳悉舊例。情尚可原。具其陳奏二條。已議覆准行一款。所言尙非無當。著從寬免其交部。欽此。

又奉

上諭。兵部議覆鴻臚寺卿江蘭。御史李廷欽。各條陳武闈外場事宜二摺。俱依議行矣。科場定例。毋許臨場

條奏。如臣工果有見於考試規條未盡妥協之處。卽當早行入告。文會試不得過上年冬月。武會試不得過本年春月。何必於考試臨期紛紛陳請。此次姑免置議。嗣後如再有違例臨期陳奏者。該部將其事於議覆摺內。一併將該員察議具奏。將此再行傳諭知之。欽此。

乾隆五十一年奉

上諭。據御史祝德麟條奏浙江漕務水利地畝等事。又徐如澍奏請本年廣額十五名。於南皿北皿中皿試

卷之二 總分派二 刑部
年鄉試之期近來御史
不過覲覲出差地步。即
祝德麟條奏江浙漕務水
利等事。不過尋常事件。何
不奏。必待此時條陳。甚
主徐如澍竟不顧科場處分
條例。輒行入告。其非希
冀入簾而何。所有祝德麟
條奏。雖爲無關緊要之件。
其是否可行之處。著交該
部議奏。至徐如澍明知科
場處分條例。輒行陳奏。且
於摺內聲明籍隸貴州。並
無兄弟親戚應試等語。試
思徐如澍雖籍隸貴州。並

無兄弟親戚。豈無故舊相識。應試者。更屬取巧。徐如
澍著。交部議處。嗣後科道等。凡遇鄉會兩試屆期。前
一月之內。除陳奏特參大員。伸寃理枉。迫不及待者。
准其入奏外。其有關科場事務。及尋常事件。一概不
准。四期違例具奏。以杜僥倖陋習。著爲令。欽此。

嘉慶十四年。議覆御史陳中孚奏。請年老諸生。
誤填年貢。准其出具同鄉官印結辦理一摺。查
例載。會試年。不准條奏科場事務。如有違例。
臨查陳奏者。無論違礙。一併將該奏。明交部

聚議又例載鄉會試前一月內。科道等於尋常事件。一概不准屆期具奏等語。今該御史臨場條奏。應請

旨交吏部察議等因。具奏。奉

旨依議。欽此。

嘉慶十五年。奉

上諭。佛柱溫汝迺奏。本年順天鄉試。南北皿官卷。應試人數較多。請將中額酌增一二名一摺。朕批閱後。召見軍機大臣。據董誥戴衢亨奏。自乾隆二十三年定

例以後。南北皿官卷。各按十五人取中一名。其零數增多者。再各取中一名。歷科皆以此爲定額。從未再於額外取中。伊二人曾充順天鄉試考官。均照定例辦理等語。順天鄉試。南北皿取中官卷。久經定制。本科又非加恩廣額之年。該監臨遽爲此奏。顯係有意見。好所奏不准行。佛柱溫汝達均著交部議處。欽此。

又奉

上諭。鄉會試。年分定例。不准條奏科場事宜。況佛柱等。人場監業乃於將屆發榜之前。奏請加增南北

皿官卷中額明係有心違譽吏部議照違令公罪例
罰俸九箇月實屬過輕佛柱溫汝适均著實降一級
調用無庸再行罰俸欽此

道光十一年奉

上旨前據阿勒清阿奏山西省鄉試請添同考官一員當
交禮部速議具奏茲據奏稱該省自議定房考九員
歷科校閱並無貽誤其去取之賞惟在遴調文理優
長之員悉心分校不在多設一員此時遽議添設未
免更張成例且恐各省援照聲請亦涉紛更所有該

撫奏請添派同考官一員之處。著毋庸議。現在鄉試
伊邇。該撫條奏科場事宜。亦屬違例。阿勒清阿著交
部照例察議。欽此。

道光十五年奉

上諭御史岳鎮南奏請嚴禁科場謄錄積弊一摺。鄉會
試爲掄才大典。糊名易書立法極爲周密。乾隆五十
二年。奏定謄錄所防弊規條。責成知貢舉監臨隨時
查察。理宜永遠遵行。以除弊竇。若如該御史所奏。近
來科場多有包攬謄錄之人。場前議定記號。擇其書

寫精工者給銀修卷甚至夾帶黑墨代改詩文
名大有關係不可不嚴加防範嗣後鄉會試著遵
舊章責成知貢舉監臨實力奉行嚴飭謄錄各所官
員加意查覈但有夾帶黑墨代改文字諸弊立即嚴
拏究辦倘不認真查察一經發覺定將知貢舉監臨
一併懲處決不寬貸該御史以鄉會試年分條陳科
場事務著交部照例察議欽此

禁令

禁止刊賣刪經時務策

附載停止改經舊案

現行事例

一坊間刊賣經書。務用全經。其刪本刻板。地方官出示令其銷燬。有已經刷印者。毋許存留售賣。貽誤士子。

一刪本經書。督撫等認真查禁。陸續收繳。解京銷燬。將繳過刪本經書數目。及有無傳習之處。三年彙奏一次。仍不得過爲煩瑣。以致擾及坊

肆閭閻。

一臨場習用講章策畧等項。坊間刊刻小本發賣。順天府尹及各督撫學政一體出示嚴禁。

例案

順治十七年議准。二三場原以覘士子經濟。凡坊間有時務策名色。概行嚴禁。

乾隆二十九年。議准湖南學政李綬條奏。禮記一經多坊間刪本。有心典體註省度等名。較之全經。不過十之四五。所存者俱係擬題之處。其

餘則不顧文理。一概刪去。以致語氣割裂。於經學殊有關係。飭令地方官出示。將刪去本刻板銷燬。已經刷印者。禁止販賣。毋許存留貽誤後學。並令各省學政主考。嗣後經題不得盡出素擬。並不得專就刪本禮記出題。

乾隆五十四年奉

上諭。翁方綱奏訪聞江西士子。有臨場習用新出小本講章。以希捷獲者。又坊間亦有編輯經書擬題。及套語策畧等類。於臨場時刊刻發賣。現出示嚴行禁止。

並於建昌一帶刊書之處。遍爲飭禁等語。講章策畧等項。竟有刊刻小本。不特士子臨場閱看。旣得弋獲捷徑。且易於懷挾。尤不可不防其弊。翁方綱嚴行飭禁。所辦是。至江西旣有此項小本發賣。恐各省亦不免仿照刊刻。流傳轉售。著各督撫學政一體出示禁止。其已經刻印者。令其繳出銷燬。所有京城坊肆等處。並著順天府尹等。一併留心查禁。以杜僥倖而端士習。欽此。

乾隆五十七年。遵

旨諭士子當誦習全經以仰副

在人雅化今山東學政翁方綱奏稱考試士子經解默
經時於坊間所刪經題內出題其有未讀全經
者概不錄取等語荷蒙

旨明指出

特命立法查禁查乾隆二十九年湖南學政李綬奏稱
湖南士子誦習禮記並非全經所存者俱係坊
間刪本經禮部議覆將此等刪節經書飭令銷
燬並通行各督撫學政一體嚴禁在案茲因日

久玩生坊間射利之徒。狃於故習。未能全行銷毀。士子圖其便於誦習。遂以爲捷徑秘傳。誠如
源於上風。大有關係。非嚴立科條。恐不足以崇經學
而端趨向。應請行令各督撫學政。於文到日。轉
飭所屬。將坊間所存此等刪節經書板片。限三
月內。押令盡數呈繳銷毀。如逾限不交。一經查
出。照例分別議處。并飭令出示曉諭各屬士子。如

制律

查之地方官及各督撫學政均

照例分別議處并飭令出示曉諭各屬士子如

有前曾購買此等刪學經書者亦令其作速自行銷燬

乾隆五十八年奉

上諭前因各省士子有肄習坊間刪本經書一事降旨令各督撫嚴行查禁將此項刪本起出解京銷燬等據該督撫等陸續查繳但恐日久懈弛不可不再申厲禁以端士習而崇實學夫經籍自孔子刪定豈容後人妄為芟節皆由不通士子或落第之人不能通經致用遂以弋名之心轉而弋利往往於經書內避

去諱用句語。任意刪減。或標爲擬題。以爲庸陋士子
場屋揣摩之具。而坊間卽爲刊刻傳播。彼此沾潤。此
等貪鄙之見。不特非讀書上進者所爲。亦且有玷士
林。自慚名教。各督撫當飭屬留心查辦。使若輩知所
儆懼。自不敢復蹈故轍。而坊間旣無此種書本。亦無
從刊布漁利。况六經爲聖賢垂教之書。字字俱有精
義。乃竟臆爲揀擇。作此刪本經書。而躁進之士。又欲
於糟粕之中。另標捷徑。不但失前聖立言之意。於士
風。亦有關係。世日用經義取士。卽有此項刪

本經書亦非起於今日。然不清其源。安能禁其流之
不滋甚耶。該督撫若以此次查繳之後。卽視爲具文。
弛其禁令。則牟利書坊。又復漸行出售。輾轉流傳。終
難盡絕。嗣後仍著落各督撫嚴飭所屬。認真查禁。並
將繳過刪本經書數目。及有無傳習之處。三年彙奏
一次。俾士各通經。文風振作。以副朕敦崇經學。整飭
士風至意。欽此。

道光十一年奉

上諭軍機大臣會同禮部都察院議奏給事中王雲錦

條陳。請禁書肆小本一摺。此等不肖惡習。朕亦夙知。若祇於出示嚴禁。令其自行銷燬。仍屬有名無實。著各直省督撫。順天府五城步軍統領。明查暗訪。將書肆小本板片。概行銷燬。該吏胥等亦不得藉端訛索。其各該省學政。於歲科兩試。及國子監錄科。務各嚴行搜檢。遇有不肖士子。帶小本文策者。立予褫革。並嚴究書本。買自何鋪。將板片起出銷燬。其貢院左右。除向有書鋪。仍准開設外。其臨時開設者。概行斥逐。如有公然售賣小本文策者。枷責嚴辦。並責令外巡。

糾官嚴密查察有犯必懲倘士子尙有不知檢束懷挾僥倖者卽著斥革究辦其恃眾逞強不服約束者枷號示眾治以應得之咎倘搜檢番役吏胥人等有意栽害者重治其罪士子中式後除策學援引經史語句相同毋庸議外其四書經文有全篇勦襲舊文者一經磨勘官簽出立即斥革務期永絕此弊以端士習將此通諭知之欽此

附載停止改經舊案

順治二年定在監肄業貢監生臨場不准改經
乾隆三十五年議覆廣西學政童鳳三條奏五

聞辦理

經並列學宮。士子隨時講肄。至考試時。令專習一經。俾各展所長。以徵積學。向於改經。雖任從其便。而在臨場。則例禁褻嚴。以防趨易避難。希心詭遇之漸也。茲據廣西學政童鳳三查出。今科該省中式舉人朱一沛。臨場私改經書。奏請嗣後舉貢生監改經之例。永行停止等語。嗣後貢監生員。會應本年鄉試者。今承辦衙門。查明現在所習何經。登冊備案。其新捐貢監。及新進各生。皆以初次進場錄科。註冊某經爲定。如有私行改經等情。祭出照例斥革。乾隆四十八年。議覆河南學政張惠條奏。貢監生員。原有准其改經之例。除習春秋禮記卷數無多。不准改易書詩三經外。其有詩經改習易書。及春秋禮記四經者。應准其改習。若由易書二經改習詩經者。概不准改。仍照定例。每屆年終。將改經各生。彙冊送部備查。

欽定科場條例卷三十五

一士子考試俱由原籍送考。其有假冒籍貫者。
該生及廩保一併黜革。因而中式者。革去舉人。
照例治罪。仍將原送考官。收考官。出結官。學臣。
地方官。教官。一併議處。

一順天鄉試。南人冒捐北監入試者。照冒籍例。
治罪。出結之州縣官。收考之國子監官。嚴加議

處。

一官員在現任地方。令子弟等冒籍者。本生斥革。該員革職。

一清查冒籍。自乾隆四十二年勒限改歸後。儻仍有牽混入籍者。不准改歸。照例斥革治罪。

一士子寄籍地方。室廬以稅契之日爲始。田畝以納糧之日爲始。扣足二十年以上。准其呈明入籍考試。並移會原籍地方官。不許復回跨考。如有挾讐誣告者。從重治罪。若入籍之始。不行

呈明。卽寄籍已滿二十年。例限仍照冒考例斥革。不准應試。並吞明原籍地方。亦不准其復回考試。其不行詳查之該管官。一併議處。

一遷居寄籍。歷六十年以外。確有田糧廬舍可據者。與土著無異。不必補行呈明。准其在寄籍捐考。惟令其於捐考時。取具鄰里親族甘結。聲明原籍地方。其本身暨子孫。不得復回跨考。仍由寄籍地方官。行文知照原籍存案。有跨考者。照例斥革。其藉端攻訐者。照誣告例治罪。

一大興宛平兩縣冒籍進士舉貢生監未滿二十年者以嘉慶十三年奏准部文到日爲始。勒限一年。令其自行呈明改歸原籍。其情願入籍者。呈明順天府查辦。應考試者。仍扣滿年限。方准應考。如逾一年之限。始行呈明者。貢士罰停殿試一科。舉人罰停會試一科。生監罰停鄉試一科。清釐以後。再有冒混考試者。查出卽行斥革。

一漢軍及包衣人員等。有冒入滿洲者。本人照冒籍例斥革。咨送之部。該部等官。照例議處。

冊例分別議處。

一新中貢士舉人未經覆試者不准改歸原籍
一新中貢士舉人覆試同鄉京官爲冒籍出結
實係徇情容隱扶同捏飾者照徇庇私罪例議
處。

一舉貢生監冒籍跨考斥革者不准捐復

一南人冒考大興宛平二縣入學者先將廩保
斥革審訊有無受賄分別治罪永遠不准捐考
並將審音御史職名交部議處。

一寄籍大興宛平之進士舉貢生監呈請改籍者均罰停一科

一寄籍未滿年限及已滿年限未經呈明者同鄉京官濫爲出結廩生濫爲出保地方官濫爲送考者日後自行查明檢舉照失察公罪例議處或別經發覺卽照循庇私罪例議處

一承繼歸宗及寄居年例已符未經入籍者於未考已前將承繼歸宗呈明由地方官申詳督撫知照兩籍不得跨考方准入籍考試

一各直省同城異縣父子異籍者自道光二十四年奏准後文到日爲始限一年內呈明更正如逾一年限外始行呈明無論貢士舉貢生監均罰停一科

一同省異府同府異縣及同城異縣生童如其父已故兄弟異籍者應令各入各籍所生子孫卽以本身之籍爲籍不准兩縣通考其祖父並未應試子孫初應童試者於初屆報考時查明現在所居室廬覈對烟戶冊以定籍貫旣考此

縣無論進否。以後縱有移遷。不得復考彼縣。至浙省商籍應考童生。該父兄曾撥何縣者。應從父兄之籍。均於卷面註明仁錢字樣。

一順天考試。祇准土著京官出結。並令於鄉會試年春初。將土著京官職名。呈明禮部。順天府國子監備查。至大宛兩縣童試歲試用土著廩保八人。科試用土著廩保六人。以上均令互相稽查。

一直隸山東廣東浙江四省設有商籍其

佔者。本人斥革外。從前收考之鹽運分司鹽運使。未經查出之學政。一併議處。其出結之商人認保之廩生。照例分別辦理。如有現任地方官之子弟親族。冒入商籍者。該員革職。其在官員已經離任之後。而留彼冒入者。該員分別議處。一商人在別省充商。領有鹽引行鹽。方准其親子弟侄應考。其疎族及商夥子弟。一概不准。至本地商人。即係土著。應歸入本籍考試。不准冒入商籍。如向爲商人。後經銷乏業。將鹽引頂賣。

者即不准入商籍。浙江商學散入民卷鄉試不在此例。

一江蘇太倉鎮海兩衛旗丁均以衛備編身冊籍爲憑各歸坐落州縣應試不得任便互考。

一各省流徒爲民人犯其子孫於到配後所生成丁者准作軍籍其本籍所生者於發配時由地方官填註文批遞交配所立案俟至配所十年方准入籍如已留本籍者不得再入配所考試已隨配所入籍考試者不得復回原籍考試儻有倚恃親屬希圖冒佔者該犯治罪失察之

地方官照例議處

冒佔民籍例案

順治二年定生童有籍貫假冒姓系僞謬者不論已未入學盡行斥革仍將廩保懲辦若有中式者嚴實題參革去舉人發回原籍如祖父入籍在二十年以上墳墓田宅俱有的據取同鄉官保結方許應試。

康熙三十五年覆准順天鄉試各省來京應試者取原籍地方官印結

康熙三十九年定中式舉人中有冒籍者處分
收考送考出結官學臣及地方官教官其主考
官免議

又定官員不得在現任地方令其子弟冒籍進
者革職

又定順天鄉試大興宛平兩縣審音不詳草率
送試者照收考送考官例降級其行查不據實
呈報者照出結官例革職

康熙五十年覆准入籍二十年者准其考試

例已久恐不肖挾讐誣告者各督撫嚴禁如敢
誣告從重治罪

又議准直隸各府鄉試生監中式後取具同鄉
京官印結方准赴順天府填寫親供。

乾隆二十一年御史范梈奏准順天鄉試立
南北皿字號分額取中向有南人冒捐北監入
試者而本年鄉試爲最甚查直隸一省由順天
學政錄科士子冒捐北監者州縣官聽從胥役
朦混出結而學臣但憑結送錄送伏懇

勅下部議嚴行禁止。嗣後直隸州縣不得朦混出結。學臣不得濫行錄送違者嚴加議處。

又御史陳慶升奏准順天鄉試南人冒北皿中式者固不乏人。冒北貝中式者更不可數計。其中變更姓名。或託依本地門戶捏稱子姪。或冒認他人姓名。改填三代。甚至不肖廩生。於府縣考時倩人豫考空名。臨期以重利賄買。至有原係本籍廩生。來此冒名現任職官子弟。就近冒考者。迨鄉會中式後始赴吏禮兩部具呈託言

寄養外族。改歸本宗。亦有竟仍榜姓。久不歸宗者。如現在翰林薛田玉之榜名田玉。丁田樹之榜名田樹。司員杜玉林之榜名玉林。周際清之榜姓孫。又如華雲鵬。張孝泉。厯科解元馬錦昌。毛師灝。馮秉忠。馬國果之本姓陶。余繼紳之本姓狄。諸如此類。不一而足。從未有今科冒名冒籍之多者。竊思

朝廷取士。欲得真才。先端士志。似此進身之始。詭跡潛踪。隱姓更名。冒認他人三代。恬不爲恥。干

犯科條行險徼倖且以

國家掄才大典爲廩生網利之具亦非所以正學校而重科場也再官員例應迴避本省今旣種種冒濫將遇本省衡文等任皆可冒膺而歸部銓選亦可選本地州縣於用人行政均有關礙尤宜急爲釐正分別辦理自此番清查之後該學政等務恪遵

功令嚴行查辦儻再蹈故轍一經發覺除本生斥革廩保治罪外定將不行查出之各官交部從

重議處

乾隆二十二年大學士九卿議覆順天府尹劉綸條奏貢監報捐一摺奉

旨依議。此等捐納貢監。其因應試投捐者。乃圖力取科名。冒佔試額。自當從嚴辦理。然例由國子監分堂肄業。或由學政錄科。其爲數不過數百人。年貌語音。不難立辨。嗣後應專其責成。務令於肄業錄科時。嚴加察驗。以杜假冒。儻仍前濫行收考。一經發覺。必將錄送各官。嚴加議處。至不應試之貢監。第希頂帶之榮。

或有以捐納官職自與冒佔科名有關政體者殊異。若必如前議限年令自改籍不能改籍者又加斥革。及如該府尹所奏由該縣具結赴部始准收捐轉致胥役藉端需索種種過甚勿如聽其捐納爲便。欽此。

乾隆二十五年議覆廣西學政鞠愷條奏查廣西各屬中向有因本地無人應試准令各省異府之人入籍考試嗣因冒籍紛紛有妨土著若盡被冒佔則土著進取爲難文風日就頽廢於文教士風所關匪細此卽盡行斥革實不爲過。

抑或准照順天冒籍例。議令一年之內。自首改歸。亦應加以處分。或暫停鄉試等語。奉

上諭。據鞠愷奏粵西省內。應試生童。多有他省人冒籍。現在嚴行查辦等語。該省地處偏隅。嚮學者少。他省人士。未免乘機混名冒考。但自乾隆三年部議停止該省因本地應試無人。准令外省及本省異府人入籍之例。司學政者。應嚴爲禁飭。何以尙多混行冒試者。此皆歷任學臣。不能查察所致。著該部查明乾隆三年以後所有廣西學臣。照例議處。至該學政奏請

將已經冒籍入學各生。准其照順天冒籍生員例辦理之處。並著該部定議具奏。再此等冒考獎竄。在江浙等處尙少。他如雲貴川廣偏僻州縣。文風稍陋。他省或因父兄作幕。或因親友貿易。遂爾乘便混考。皆所不免。並著各該學政留心查察。毋使滋弊。欽此。遵旨議准。除乾隆三年以後。歷任廣西學政。由吏部查辦外。查乾隆二十二年。議覆順天學政條奏。奉

旨將冒籍各生。停其鄉試一科在案。應令該學政徹底清釐。除現在查確者。勒令改歸。其未經查明者。

於部文到日。勒限一年。著落本生自首。若回原籍。仍取具本籍地方官。及儒學印結送部查覈。儻逾限不首。一經發覺。該生斥革。仍將不行確查之地方官。及儒學議處。再本年現係

恩科鄉試。所有已經查出各生。照例罰停鄉試一科。並行文雲南貴州四川廣東等省。遵照辦理。

乾隆四十二年。議准御史戈源條奏。查本年因紹興通判張廷泰引

見奉

旨以順天大興宛平兩縣土著甚少。各省官員佔籍者多。交吏部分別稽覈詳議具奏。經吏部題准。令各該管官確查於文結內註明寄籍祖籍及本籍字樣。如有混冒。卽行究叅治罪。續經吏部議准。侍郎蔣賜棨條奏。鄉試舉人寄籍者。填寫親供時。呈明改歸原籍。如無家可歸。亦令呈明註冊等因。今該御史以蔣賜棨原奏內嗣後照辦一語。恐無知之徒。妄謂一紙親供。便可無恙。呼朋引類。日漸增多。請交禮部。將歷年冒籍治罪。

條例通查曉諭並稱嗣後照例斥革治罪不准再請改歸等語應將歷年所奉

諭旨並議准一切禁例詳細開明交順天府通行曉諭儻仍有牽混人籍者均不准改歸照例斥革治罪

乾隆四十三年大學士九卿議奏御史戈源參奏孫履謙冒籍一摺傳訊孫履謙據稱原籍常州陽湖縣人入籍宛平縣進學中式向無父兄親屬在順天居官上年奉有新例改歸原籍時

並未在京。本年二月到京。場期已迫。未及呈改。仍以順天籍中式進士等語。查順天冒籍上年經禮部通飭改歸。本年中式之潘鷺杭光晉。前因父兄親屬居官山東省。冒入商籍。業經斥革治罪。並將伊父兄親屬嚴叅議處在案。今孫履謙雖無父兄親屬。在順天居官。較潘鷺杭光晉有間。但並不遵例改歸。矇混應試。顯違例禁。未便照自行呈明之吳煥胡秀森辦理。應全行斥革。以示懲儆。其從前監行收考之地方官。未經

查出之該學政。出結之教官。認保之廩生。俱交部照例辦理。

乾隆四十八年。議覆河南巡撫何裕城。奏祥符縣監生孫潮。冒籍中式舉人。審擬治罪一摺。查乾隆四十三年。浙江潘鷺。杭光晉。冒入山東商籍中式。均擬斥革。照違

制例杖一百。通行在案。今孫潮冒籍捐監。入闈中式。雖與潘鷺等事同一例。但與清查冒籍之後。尙敢牽混影射。冒考中式。實係顯違。

功令僅予責革。不足蔽辜。應如該撫所奏孫潮革去舉人。從重於應得杖罪上。加徒役三年。以示嚴懲。所有從前送考收考各職名。查取察議。

乾隆五十九年奉

旨嗣後如有未經呈明入籍。卽寄籍已滿二十年例限。未經呈明。輒行冒考者。一經發覺。除照例斥革。不准應試外。並著咨明原籍地方。亦不准其復在原籍考試。俾跨考倖進之徒。知查出後。寄籍原籍。均無進身之路。庶各知自愛。不敢復蹈前轍。欽此。

嘉慶十一年。奏准安徽巡撫成齡咨。捐從九品職吳明遠之祖。於前明遷居蕪湖。因鄉愚不諳定例。未經呈明入籍。報捐職銜。應准其頂帶榮身一案。請嗣後遷居寄籍者。除扣足二十年例限。准其呈明入籍外。至遷徙歷六十年以外者。寄居既久。各安其業。卽與土著無異。不必補行呈明。准其在寄籍報捐應考。惟令其於捐考之時。取具里鄰親族甘結。聲明原籍地方。不得復回跨考。仍由寄籍地方官行文知照原籍地方。

官存案有跨考者照例斥革其藉端攻訐者照
誣告例治罪通行各直省督撫學政一體遵照
辦理

嘉慶十二年奉

上諭周廷棟奏大宛兩縣童試冒籍較多據實奏請查
辦一摺考試爲掄才大典而府縣試尤爲士子始進
之階文風各省不同學額亦定數不一自應嚴禁冒
籍以遵實學而息紛爭京師大宛兩縣爲四方文人
萃聚之區向來多有南省士子希圖倖進冒籍應試

者。歷經科道等條奏清查。而此弊相沿已久。仍未肅清。總由不肖廩保。扶同徇隱。而特經派出之審音御史等。又視爲積習相沿。懼于嫌怨。仍不實力稽查所致。現在正屆順天府試之期。已派出御史達德鄭士超二員。前赴貢院。會同該府丞審音。該御史等逐一詳細確查。秉公點驗。如一經查有弊竇。卽著據實奏。其從前冒籍諸生。已登科第。及現任職官者。應如何立限。勒令呈明改歸原籍。並酌予罰懲之處。著交吏禮二部。會同順天府詳查舊案。妥議具奏。欽此。

又奉

上諭通政司副使閻泰和奏請清查外省冒籍一摺。據稱山西省近年以來。南省士子接踵冒籍考試。入學補廩者相繼而起。其中獲登科第。身任職官者。亦不乏人。請飭交山西巡撫嚴令地方官實力查禁等語。冒籍混考。希圖倖進之弊。不獨山西爲然。各直省恐亦在所不免。自應一體飭禁。以杜弊混。惟是欲嚴冒籍之禁。必先端始進之階。士子報名應試。總須本籍廩保山結。方准與老郎由捐納等項出仕者。亦必有

本地方官印結。與其紛紛查辦於事後。曷若慎重於
事先。嗣後各直省督撫。應飭令地方官。於士子考試
出仕之初。實力查禁。俾冒籍者無可僥倖。其業經中
式及現任職官。准其自行呈明。應改歸原籍者。照舊
例行。將此通諭知之。欽此。

嘉慶十三年。會議奏准。左都御史周廷棟奏。大
興宛平兩縣童試冒籍一摺。應展立限期。寬其
既往。申明舊例。嚴其將來。除從前進士舉貢生
監。現在寄籍。已至二十年者。與入籍之例相符。

毋庸議外。其未滿二十年者。自此次查辦部文到日爲始。勒限一年。令其自行呈明。彙冊報部備查。如遵例入籍者。無論進士舉貢生監。均由順天府轉飭兩縣。確切查明。或室廬稅契。或田畝納糧。並取具親族鄰佑保結。准其入籍報部立案。應考試者。仍扣滿年限。方准本身子弟應試。並聲明原籍地方。不得復回跨考。仍行文原籍地方官存案。其情願改歸原籍者。俟查明取結。卽歸原籍收考。永不許復冒寄籍。其在一年

限內卽自行呈明者免其罰科如逾一年之限始行呈明者貢士罰停

殿試一科舉人罰停會試一科生監罰停鄉試一科。儻經此次勒限清釐以後再有混冒考試者一經查出卽行斥革。如有跨考倖進者照例斥革治罪。

嘉慶十五年。覆准護理江蘇巡撫慶保咨稱。揀選知縣于錫晉。祖籍江蘇金壇縣。因過繼與奇籍順天之族伯爲嗣。由大興縣捐監中式舉人。

今族伯已生子承祧。呈請復歸金壇原籍。生父
本支。取具同鄉京官印結。填註兩房三代。具呈
吏部。經吏部行文。取具地方官族鄰印甘各結。
宗圖覈辦等因。分咨到部。查本部會奏大興宛
平兩縣冒籍舉貢生監。以部文到日爲始。勒限
一年。令其自行呈明。如逾一年之限。始行呈明
者。舉人罰停會試一科等因。奏准在案。今該舉
人于錫晉。據吏部稱該舉人呈明年月日期。已
逾一年例限。應照例罰停會試一科。

又據廩生高麟呈稱原籍江蘇丹徒縣乾隆四十五年。生父元龍攜眷遊幕在京。生於嘉慶九年。由順天宛平縣寄籍考試入學。十二年補廩。今遵例呈明改歸江蘇丹徒縣原籍等情。查改歸原籍例由兩籍地方官取具族鄰甘結。加具印結送部覈辦。又嘉慶十三年。本部奏准大興宛平兩縣冒籍舉貢生監。以部文到日爲始。勒限一年呈明。如逾一年之限。始行呈明者。生監罰停鄉試一科等因在案。今該生高麟呈請改

歸原籍江蘇之處已逾一年限期應罰停鄉試
一科

嘉慶十九年。敷准江蘇舉人沈栻呈稱。世居直隸海門廳轄沙地。前因廳地未設專學。諸童附通州考試。請之沙籍。嘉慶元年。栻由沙籍取入通州學。九年中式本省舉人。十七年江蘇巡撫奏准。海門廳設立專學。凡廳轄生監俱飭歸屬籍。不隸通州。惟前經中式者未奉明文。應請改歸直隸海門廳籍註冊等因。到部。查舉人與生

員事同一例自應一體撥歸今舉人沈拭世居海門廳轄沙地聲請改歸廳籍嚴與例案相符應准其撥歸海門廳籍其子孫永不許復由通州捐考以杜跨冒。

嘉慶二十三年奉

上諭御史王允輝奏嚴禁順天鄉試冒籍一摺冒籍跨考例禁綦嚴但恐日久玩生又復混淆滋弊茲據該御史奏本年順天鄉試冒捐北監冒入北員中式者頗多著順天學政及順天府尹嚴行查察順天寄籍

生監如有未滿年限及未經呈明冒考者無論已未中式一經查出立即嚴叅照例斥革以清戶籍欽此

道光二年奏准江西巡撫毓岱咨鉛山縣監生

丁煥瑚呈請改歸興安縣原籍一案據該縣詳

稱丁煥瑚之父丁有言於乾隆五十二年在鉛

山縣置買田產於乾隆五十二年稅契卽於嘉

慶九年爲子捐納監生寄籍未滿二十年現據

丁煥瑚呈繳監照請歸祖籍無力捐復請照嘉

慶十三年宜春縣監生藍芳榮成案准其頂帶

榮身不准應試。咨部註冊。等因前來。臣等查例載。生童呈請入籍。寄籍地方官確實查明。室廬以稅契之日。田畝以納糧之日爲始。扣足二十年以上。准其入籍考試。若入籍之始。不行呈明。卽寄籍已滿二十年例限。一經發覺。試明實有跨考情弊。黜革不准應試。又嘉慶九年覆准。寄籍之人。若年限已合。未經呈明入籍。卽行捐考。始因不諳定例。繼卽自行呈首者。生監職銜。照常例捐復。儻有實係無力者。只准頂帶榮身。不

准應試各等語。是例准頂帶榮身一項。專指已滿二十年例限。未經入籍。自行呈首者而言。今江西鉛山縣監生丁煥瑚。於未滿二十年例限以前。卽行寄籍報捐監生。例應斥革。惟據該撫援照宜春縣監生藍芬榮之案。聲請頂帶榮身。臣等檢查舊檔。江西監生藍芬榮係於乾隆十七年由萬載縣遷居宜春。十八年投稅照例應扣至乾隆三十八年。方符入籍之例。乃藍芬榮遽於乾隆三十四年。卽以寄籍報捐。與例不符。

該撫於彙報冊內准令頂帶榮身係屬錯誤當時臣部漏未指駁以致例禁兩歧現據該撫將丁煥瑚之案援照此案呈請到部相應請

旨將嘉慶十三年已准頂帶榮身之宜春縣監生藍芬榮仍行斥革以符定例並將從前辦理錯誤之該省地方官及漏未指駁之臣部堂司各官請旨交部分別議處奉

旨江西鉛山縣監生丁煥瑚於未滿二十年例限以前卽以寄籍報捐監生著照部議褫革不准頂帶榮身

其該撫援照嘉慶十三年已准頂帶榮身之宜春縣監生藍芬榮成案業經禮部檢舉藍芬榮著仍照定例一併褫革所有從前辦理錯誤之該省地方官及漏未指駁之禮部堂司各官俱著交部分別議處欽此。

又奉

旨貴州已革生員魏清具控新進士姚廷清冒籍中式著交刑部傳集人證審訊明確定擬具奏欽此續准

刑部咨稱此案姚廷清原名姚鴻達係浙江慈

谿縣生員嘉慶十六年因欠考三次除名先於
嘉慶六年至貴州遊幕改名姚廷清詔族人姚
潛爲胞伯卽在貴州冒籍捐監上年中式貴州
舉人今科會試中式進士將姚廷清依斥革後
易名復捐照違

制律杖一百業經革去進士應毋庸議仍飭令改歸
本籍浙江

道光四年劄覆順天學政咨呈稱據大興縣詳
據生員王毓芬呈請遵例改歸天津縣原籍等

情到院應查明取具兩籍地方官印甘各結咨
呈查照示覆等因到部查定例生員呈請改籍
者取具兩籍地方官印結送部定議又學政全
書內載嘉慶十二年禮部議准南省士子在大
宛兩縣冒籍者勒限一年令其自行呈明改歸
原籍如逾一年之限始行呈明生監罰停鄉試
一科等語今生員王毓芬由天津寄籍大興非
由南籍冒籍大宛者可比現既據順天學政聲
稱該生呈請改歸原籍天津併取具兩籍地方

官印甘各結送部。生員王毓芬應准其改歸天津縣原籍。毋庸罰停鄉試一科。其子孫仍不許復同大興縣跨考。

道光八年。咨覆貴州巡撫高溥咨。嘉慶二十四年湖南省。因晃州所管陸里地方。與黔省連界。該處民人從前多有冒籍貴州考試。報捐奏准撥歸晃州廳管轄。旋據曾經列撥之思州府屬舉人胡世校。生員向日中等。紛紛以祖籍貴州。族衆俱在貴州。呈訴不已。委員查明稟生向日

中等三十八名。既非原籍湖南。又不住居晃州。
議將該生等改歸黔省。歲貢胡鍾顯等四十四
名。皆係本籍貴州。現居楚境。其族人皆黔多楚
少。應否改撥貴州。以昭畫一。抑或應以居址爲
斷。但居晃州界內。卽應撥歸晃州等語。查胡鍾
顯等四十四名。應仍撥歸晃州。其向日中等三
十八名。亦宜欽遵。

諭旨。改歸晃州廳管理。無得調停遷就。致該姓等妄生
希冀。來去自由。儻仍前飾辯。卽嚴行懲辦。至同

族之人有實係居住貴州。田廬墳墓均在貴州者。除父子兄弟不准異籍外。族遠人多不妨各歸各籍。其捐考時。令地方官嚴行查明。不許稍有朦混。以杜歧冒。而免攻訐。

道光二十四年。議奏湖北巡撫趙炳言之子。舉人趙景賢。籍貫舛錯。請將趙景賢斥革。免其治罪。並另片奏各省中。如有異縣同城籍貫舛錯者。限一年內自行呈明。咨部更正。如一年限外。始行呈明。無論貢士舉貢生監。均罰停一科。自

此次清釐以後儻有不行呈明別經發覺者仍照例斥革治罪等因奉

旨禮部奏遵旨查議一摺趙景賢籍隸歸安在烏程考試入學中式實屬有違定例著卽革去舉人免其治罪趙炳言自行檢舉著加恩改爲交部察議至學政全書所載同省異府同府異縣不准冒籍入學其同城異縣是否准其通考之處並無明文應如何酌定章程著禮部妥議具奏餘依議又另片所奏籍貫舛錯者限一年內自行呈明等語俱著照所奏辦理欽

此。

道光二十五年遵

旨議奏嗣後同城異縣籍貫舛錯者於文到日限一年內呈明更正。如其父已故間有兄弟異籍者應令各入各籍。所生子孫卽以本身之籍爲籍。不得復行兩縣通考。至初應童試良民祖父並未應試於初屆報考時查明現在所居之室廬並遵照乾隆十年

諭旨覈對烟戶冊以定籍貫仍取具同考五人互結及

廩生保結送教官及州縣官註冊。加具印結。申送學政查覈。既考此縣。無論取送與否。以後縱有遷移。亦不得復考彼縣。至竈衛兩籍。各省額設係屬專籍。定例綦嚴。何不與民籍通考。似可遵照舊例辦理。至商籍一項。除直隸山東廣東等省。同歸各府學兼管。及科冊內註明何省何府縣人。本處商人。不准冒考外。惟浙省商籍額進五十名。內撥杭州府二十名。仁和錢塘各十五名。向准本省商人通考。由學政合取分撥。其

撥入府學者冊內分註仁錢字樣而撥入縣學者難保無籍隸仁和撥入錢塘籍隸錢塘撥入仁和以致父子籍貫未能畫一其如何辦理俾無窒礙之處應行文浙江巡撫學政詳查到日再行覈辦等因奉

上諭禮部奏遵旨另議同城異縣考試章程一摺嗣後同城異縣父子籍貫舛錯者著仍照該部前議於文到日限一年內呈明更正如其父已故間有兄弟異籍者應令各入各籍所生子女孫卽以本身之籍爲籍

不得復行兩縣通考。至初應童試。良民祖父並未應試。於初屆報考時。查明現在所居室廬。並取具各結送考。既考此縣。無論取進與否。以後縱有遷移。亦不得復考。彼縣至浙江商籍分撥縣學者。應如何辦理。俾無窒礙之處。著由該部咨明浙江巡撫學政詳查。俟聲覆到日。再行覈辦。餘著照所議辦理。欽此。

又具奏雲南貢士馮拱宸因未投結。照例扣除覆試。旋據戶部主事倪應復呈稱。舉人馮拱宸本年會試。向職取結入場。中式外間傳訛。

該貢士係江蘇常州府人。冒籍雲南昆明縣。捐
監中式。職因該貢士甲辰科會試。曾經地方官
出咨。是以此次出與印結入場。惟是否冒籍。未
能詳悉。不敢冒昧出結。可否行查雲南巡撫。查
明辦理等情。當經傳到馮拱宸。取具親供。內稱
係雲南昆明縣籍。曾祖德驥。江蘇常州府人。乾
隆三十八年。入滇遊幕。祖立言。父侃。世居昆明。
置有田塋廬舍。稅契納糧。舉人幼隨堂叔在浙
遊幕。道光二十年回滇。捐監考試。癸卯科中式。

舉人請咨會試。未中留京。本年會試。取具戶部主事倪應復印結入場。中式貢士覆試往取印結。倪應復疑係冒籍。未經出結。以致礙難覆試等語。查貢士馮拱宸。既據戶部主事倪應復呈稱。是否冒籍。未能詳悉。又未便僅據馮拱宸親供。遽行懸斷。應請

旨飭下雲南江蘇各巡撫轉飭地方官。確切查明該貢士馮拱宸。是否出江蘇常州府。冒籍雲南昆明縣。抑或實係乾隆三十八年入籍雲南。置有田

瑩廬舍。取具兩籍族鄰甘結。加具地方官印結。
詳細聲覆。再行覈辦。奉

旨。禮部奏新中貢士馮拱宸。現據戶部主事倪應復呈
稱。傳聞該貢士係江蘇常州府人。冒籍雲南昆明縣。
不敢冒昧出結。請查明辦理等語。著雲南江蘇各巡
撫。轉飭地方官確切查明。該貢士馮拱宸。是否由江
蘇常州府。冒籍雲南昆明縣。抑或實係乾隆三十八
年入籍雲南。置有田。瑩廬舍之處。取具兩籍族鄰甘
結。加具地方官印結。詳細察覈。勿涉含混。俟奏到日。

再行覈辦。欽此。

道光二十六年具奏。據已革舉人趙景賢呈稱。係浙江歸安縣人。緣與烏程縣同城。歷來兩縣通考。卽由烏程縣籍入學中式。本省舉人經親父趙炳言查出籍貫舛錯。據實奏明。由部議奏。奉

旨革去舉人。竊思景賢誤考同城異縣。實由不諳定例。現在情願捐復舉人。更正籍貫。俟下屆一體覆試等情。查舉人趙景賢前因籍貫舛錯。經部照

例斥革。惟同城異縣通考。積習相沿。以致父子籍貫互異。且係伊父自行報舉。並非有心朦混。與捐考之例相符。可否准其捐復舉人。更正籍貫。俟下屆一體覆試。奉

旨趙景賢著准其捐復舉人。更正籍貫。俟下屆一體覆試。欽此。

又准福建巡撫咨。生員陳應時。由寄籍嘉義縣改歸原籍同安縣。接奉部查。因嘉義遠隔重洋。一時未能覆到。而該生寄籍嘉義業經扣除。不

能應試其同安原籍又不能錄科未免向隅。自應准其改歸原籍同安錄科等因。查福建生員陳應時。改歸原籍之處。前經部查。已閱六載。未據咨覆。本部尙未辦結。自應仍由嘉義縣應試。所有改歸原籍同安縣應試之處。應不准行。

又覆奏。飭查雲南貢士馮拱宸籍貫。據實覈議。一摺。查貢士馮拱宸之曾祖馮德驥。據該撫聲稱。係乾隆三十八年遊幕雲南。卽寄居昆明縣。迄今已七十餘年。惟虛舍墳墓。旣無印契糧串。

可憑入籍之始。又未呈明有案。是該生雖非有心取巧冒籍。究屬與例不符。仍應將馮拱宸貢士斥革。以符定例而清籍貫等因具奏。奉

旨依議。欽此。

道光二十八年。通行各省查學政全書內載。商民呈請入籍。地方官確實查明。室廬以稅契之日爲始。田畝以納糧之日爲始。扣足二十年以上。准其呈明入籍。並移會原籍地方官。不許復回。跨考。如有未經呈明入籍。輒行冒考者。一經

發覺照例斥革。不准應試。並咨明原籍。亦不准復在原籍應試。至遷徙至六十年以外者。寄居既久。卽與土著無異。不必補行呈明。惟令其於捐考時。取具鄰里族親甘結。聲明原籍地方官不得復回跨考。仍由寄籍地方官。知照原籍地方官存案。有跨考者。照例斥革等語。而本部則例所載寄籍已滿六十年者。僅有不必補行呈明。但不得復回跨考數語。所以近年以來。有因入籍之始。不諳定例。致被斥革者甚多。又有始

而取巧倖進繼而混遂致辦理不能畫一除
將從前所辦寄籍以籍各案割裂例文有害例
意者概行註銷外應再申明舊例通行各省並
由各省轉知照各該地方官嗣後凡呈請入籍
之人其已滿二十年者必須呈明有案由寄籍
知照原籍不得復回跨考方准入籍其已滿六
十年者必須取具族鄰甘結由寄籍知照原籍
不得復回跨考方准應試至由寄籍改歸原籍
之人其寄籍地方官文結內必須聲明何年月

日呈明入籍。曾經知照原籍在案。並何年月日。取具族鄰甘結應試。曾經知照原籍在案。不得以呈明有案一語。含混朦蔽。其原籍地方官。亦須於文結內聲明。何年月日寄籍何處。曾經呈明。或曾經取有族鄰甘結。由寄籍知照原籍。並未復回跨考。方准改歸原籍。不得以祖墓均在原籍一語。含混朦蔽。如入籍時。未經知照原籍。是明明有心跨考。概不准其入籍。亦不准其改歸原籍。經此次申明之後。庶例意統歸簡明。辦

理亦不致兩歧

又具奏據已革貢士馮拱宸呈稱祖籍江蘇寄籍雲南卽在雲南捐監中式舉人。乙巳科中式貢士。因漏未呈明入籍。經部奏請斥革。今請捐復貢士。並改歸江蘇原籍等情。查原案馮拱宸祖籍江蘇武進縣。其曾祖遊幕雲南卽在昆明縣捐監中式舉人。乙巳科中式貢士。因覆試時雲南京官倪應復恐係冒籍不敢出結。當經行查兩籍。據江蘇雲南各撫臣以馮拱宸實係祖

籍江蘇。寄籍雲南。入籍時漏未呈明咨部。因其入籍時未經呈明。與例不符。議以斥革。茲呈請捐復貢士。覈與例案相符。可否准其捐復貢士。改歸原籍一體覆試。奉

旨。馮拱宸著准其捐復。欽此。

道光二十九年。具奏河南舉人潘葆中。未經呈明入籍。請

旨斥革。一摺。據河南巡撫文稱。祥符縣舉人潘葆中。原籍江蘇武進縣。其祖於乾隆四十五年。遊幕來

豫在祥符縣買田產道光二十五年潘葆中
報考入學二十六年中式舉人計其寄籍年限
雖與入籍之例已符惟先未呈明遽行報考實
屬不諳定例擬將該舉人斥革等因到部查例
載寄籍之人並未呈明一經查出雖例限已符
概行斥革等語今河南舉人潘葆中入籍之始
並未呈明有案自係不諳定例應請將潘葆中
舉人斥革以符定制而清籍貫等因具奏奉

旨依議欽此

道光三十年議覆吏科給事中趙東昕條陳嚴
禁冒籍跨考一摺原奏五條

一原奏內稱鄉會試中式後取具同鄉京官印
結方准覆試其無結不能覆試者大約皆冒籍
之徒同鄉不肯出結是以未經覆試之舉人貢
士禮部從未准其改籍第此輩巧於舞文弄法
既無結覆試又無結改籍勢必向地方官營求
詳請一經准改必致紛紛跨考愈無忌憚請嗣
後凡未經覆試之舉人貢士概不准其改籍其

殿試

朝考亦應仿此辦理。至鄉會試覆試。如有同鄉官爲冒籍之人出結者。亦應照私罪定擬處分等語。查向例鄉會試覆試。取具同鄉京官印結。臨場識認。其士子改籍者。飭取兩籍地方官印結。並族鄰甘結。送部覈辦。是互相稽查。正以防冒籍。跨考。並槍冒頂替之弊也。所以道光二十七年。河南巡撫咨請舉人潘葆中改歸原籍。經部以未經覆試。不准改歸原籍。咨駁在案。至未經

覆試。卽准改歸原籍。臣部向無此例。亦無辦過成案。蓋覆試之設。所以防弊。寄籍之舉。人貢士若令其改歸原籍。始行覆試。則寄籍既久。所熟識皆寄籍親鄰。而原籍親鄰反多生疏。以生疏之人。而令其取結識認。不惟無以杜冒籍之弊。竊恐槍冒頂替。悉由此生。且向例順天鄉試覆試。及各省會試覆試。皆在榜發後三五日之內。其入籍年例。遠者須六十年。近者亦須二十年。方准入籍。該舉人貢士。從前入籍時。數十年之

人皆能緩以相待。主既經中式後。何以三五日
卽迫不能待。而必欲於未經覆試以前。輒行改
歸原籍。此中顯有情弊。應如該給事中所奏。寄
籍之舉人貢士。必俟覆試後。方准改籍。至

殿試

朝考係在取結覆試之後。自應准其改歸原籍。該
給事中所奏。

殿試

朝考亦應仿此辦理之處。應毋庸議。至同鄉京官

如查有爲冒籍出結實係徇情容隱扶同捏飾者應如該給事中所奏嗣後均照徇庇私罪例議處。

一原奏內稱向例跨考之人兩籍均不准考試請嗣後凡冒籍斥革者概不准其捐復等語查定例已革進士舉人呈請捐復由部查明原案並非行止有虧情尚可原者詳敘案情應否准其捐復向係請

旨定奪卽寄籍之人如近年馮拱宸潘葆中等成案

亦係請

旨辦理。至冒籍跨考之人。定例應卽斥革。不准應試。並
咨明原籍地方。不准覆同考試。既不准其考試。
自不准其捐復。應如該給事中。所奏嗣後凡冒
籍跨考斥革者。不准其捐復。

一原奏內稱。士子冒籍。州縣教官。豈得委爲不
知。請將起送冒籍之州縣教官。概照徇庇私罪
例議處。如查有賄囑實據。卽行加等治罪等語。
查例載。士子冒籍斥革者。將原送考官。收考官。

出結官學臣地方官一併議處又查吏部處分則例舉貢生監冒籍地方官不行詳查者降一級調用係公罪已經查明不據實呈報者革職係私罪定例已極嚴明所有起送冒考之州縣教官處分應仍照舊例辦理

一原奏內稱大興宛平之廩生半係冒籍所保童生非本籍者十有八九童生之冒考皆廩保之利藪請嗣後冒籍犯案者查明廩保何人斥革嚴寢有無受賄分別治罪並永遠不准再行

捐考等語。臣等查例載大宛兩縣童試。令該廩保出具並無冒籍甘結。由教官送府丞學政審音時。令御史詳加查覈。如有假冒。卽行嚴參。該管官不實力稽查。照例議處等語。伏思南人冒考北籍。例禁極嚴。而此弊仍未肅清。總由廩保扶同徇隱所致。應如該給事中所奏。嗣後有冒籍大宛犯案者。先將廩保斥革。審訊有無受賄。分別治罪。永遠不准捐考。並將審音御史查取職名。照例議處。

一原奏內稱大宛兩縣之生員半係他省之廩附。往往借改籍名目。將功名賣與他人。裕其弟姪。請將改籍之進士舉貢生員。概照監生之例。只准頂帶榮身。不准以原資捐考。至出繼歸宗。亦應照此辦理等語。臣等查向例監生改籍。只准頂帶榮身。不准應試。蓋以俊秀監生。不准換照。既由寄籍改歸原籍。必不能執寄籍監照。往原籍應試。此所以不准應試也。若進士舉貢生員。除人籍時。未經呈明。或年限未符。均應照旨。

籍例斥革外。其寄籍年例已符。入籍時呈明在案。向准呈請地方官改歸原籍。仍取具兩籍地方官印結。並族鄰甘結。送部覈辦。如係大宛兩縣改籍者。生員貢生罰停鄉試一科。舉人罰停會試一科。貢士罰停

殿試一科。歷經遵辦在案。誠如該給事中所奏。改籍之案。歷年不下百餘件也。若一概不准捐考。實與例案不符。至出繼歸宗。向例繪具宗圖。取具印甘各結。送部定議。亦無以出繼歸宗不准

捐考之例。該給事中請將改籍之舉貢生員。均照監生之例。只准頂帶柴身。不准捐考。及出繼歸宗。亦照此辦理之處。殊與例意未協。應毋庸議。再臣部現在纂修科場條例。所有從前辦過冒籍斥革。仍准捐復之姚廷清等舊案。應請一併註銷。以免兩歧等因。奉

旨依議。欽此。

又議覆江蘇學政青麐奏。循照舊章。量爲變通。以除積弊。一摺。查原奏內稱。寄籍土著條例已

極詳備。惟籍隸本省同屬一姓而支分派別。如三支分居三縣。遇有考試。一名即可報考兩處。其有承繼歸宗及寄居年例已符。未經入籍者。呈明立案方准錄送等語。查道光二十五年。臣部奏准同城異縣兄弟異籍。應令各入各籍。所生子孫。卽以本身之籍爲籍。不得兩縣通考。至良民祖父並未應試。於初屆報考時。查明所居之廬。並遵乾隆十年

諭旨。嚴對烟戶。以定籍貫。當經通行遵照在案。但此專

爲同城異縣而言。應請嗣後凡同省異府同府異縣者均照道光二十五年奏准之案辦理。其有承繼歸宗及寄居年例已符未經入籍者飭令於未考以前將承繼歸宗呈明並將入籍呈明之案知照兩籍不得跨考方准入籍考試等因奉

旨依議欽此

咸豐元年議奏閏八月初七日奉

旨卓秉恬等遵旨查明直隸京官與貢監生互稟一

案。又王慶雲奏。覆試屆期。請豫禁爭端。各一摺。並請復還改籍舊制等語。考試用京官印結。原以識認稽察爲重。近來直隸京官。專舉十二人出結。其勢不能周知。無怪該生監等。紛紛聚訟。目爲把持。嗣後考試出結。自應查覈舊例。以息爭端。所有卓秉恬等議。覆一摺。並王慶雲陳奏事宜。均著禮部速議具奏。其覆試後改歸原籍新章。與舊例熟爲妥協。亦著一併詳議具奏。欽此。又閏八月十一日奉

上諭御史吳廷溥奏查辦考試出結未能覈實摺片
各一件並抄錄科場例案呈覽著禮部與現議卓
秉恬等並王慶雲原奏一併秉公查覈妥議具奏
此案現交部議尙未覆奏該御史係直隸籍貫自
應靜聽部議如所議有未允協原可據實指陳乃
於部議未定之先率行陳奏殊屬非是吳廷溥著
傳旨申飭欽此欽遵到部查該貢監等俱係因其
祖父在順天寄籍應試報捐卽入籍考試與本
身冒籍究屬不同若徑行斥革未爲平允至所

呈契據止係白契未足爲憑當以有無墳墓爲斷據孫啟盛呈出墳契內稱在左安門外劉德綏在永定門外曾拭李德源周錫俱供墳墓在永定門外錢以恕供墳地在齊化門外經順天府傳訊看墳人等供俱相符應在令順天府尹飭大宛兩縣親往訪查確實取具切結加具印結咨部覈明准其補行呈明人籍仍罰停鄉試一科照例行文該生等原籍永遠不准復回跨考其汪豫燮據直隸京官供稱該生之父汪紹

曾。鄉榜姓陳。查臣部道光十三年。實有汪紹曾。復姓歸宗案據。惟該生呈稱。祖父均係浮屠。實恩綬供稱。並無墳墓。是其去來尙屬未定。應勒令改歸原籍。亦罰停鄉試一科。又副貢生邵承照一名。現已投到。據稱祖居寶坻。並非冒籍。惟呈出地契。係乾隆五十一年典契。糧串均係芮姓。其祖浮葬於城北白衣菴。此外別無確據。應交順天府。飭寶坻縣親勘詳查。報部辦理。據順天府奏稱。徧查遠年近年舊案。呈明入籍者。實

屬寥寥臣等因思似此祖父寄籍捐考未經呈明子孫因而捐考者恐不止此數人應請

旨飭下順天府卽出示徧行曉諭如有似此情節者均照此一律辦理。予限一年補行呈明。不得違逾。並請由順天府於現在由大興宛平籍貫出仕者在京行文各衙門在外行文各直省令該員等呈明原籍咨報吏部將來蒞官衡文時均一體迴避。又順天監臨王慶雲奏稱直隸京官不下六七十員祇限十二人出結則耳目未廣。

轉難周知。御史吳廷溥奏稱今年直隸京官公舉土著十二人出結。所出北皿之結六百餘張。未得結者。何以止此。違例之九人各等語。臣等公同酌議。嗣後順天考試出結。不必限定人數。凡係土著。俱准出結。並令於鄉會試年春初。將土著京官職名。呈明禮部。順天府國子監備查。至各衙門考取供事。及書吏報滿。亦祇准土著京官出結。其大興宛平童試。應仍照定例歲試。用土著廩保八人。科試六人。以上均令其互相

稽覈。如有寄籍未滿年限。及已滿年限。而未經呈明。同鄉京官。濫爲出結。廩生濫爲出保。地方官濫爲送考者。日後自行查明檢舉。照失察公罪例議處。如或別經發覺。卽照徇庇私罪例議處。至報捐一層。應照戶部捐例。土著寄籍。皆准出結。仍用土著京官。一二人查結。亦令其互相稽查。如有籍貫不清。扶同捏飾者。一經發覺。亦照徇庇例議處。至覆試後。始准改籍一節。查會試覆試。行之已久。順天鄉試覆試。於道光十五

年舉行直省鄉試覆試。於道光二十四年舉行
徧查舊案。並無未經覆試。卽准改籍之條。其未
經覆試。不准改籍。確有潘葆中一案可憑。上年
給事中趙東昕條奏。覆試後始准改籍。經臣部
援照成案議准。並非新章。該監臨王慶雲請將
改籍新章。復還舊制。係屬不諳臣部例案。應毋
庸議。又御史吳廷溥片奏。拔貢錢以恕。不用印
結。竟准入場一節。據順天府丞關文內稱。係由
金臺書院送考。照歷次舊章辦理。查科場條例

內並無金臺書院准其送考明文。誠以金臺書院直省士子。皆得肄業其中。若不問其籍貫。履歷。率准送考。則冒籍者紛紛乘間而入。更屬漫無稽考。嗣後應將金臺書院送考之條禁止。再定例。鄉會試年。不准條陳科場事務。今監臨王慶雲。於未經發榜以前。請改出結章程。並改籍事宜。應交部照例察議。至宗人府供事錢恩榮。據吏部送到該供事三代籍貫與錢以恕全行不符。查供事事隸吏部。是否係錢以恕之胞兄。

何以與錢以恕三代籍貫不符之處應由吏部
取其親供照例辦理奉

旨依議王慶雲著交部照例察議欽此

冒佔旗籍例案

雍正十一年吏部奏准嗣後令各該旗於考試
之時將應考人員詳加分別滿洲漢軍開註明
晰咨送順天府註冊考試如有漢軍冒入滿洲
額內中式者一經查出將咨送之該旗都統佐
領等官交部分別照朦混造冊例議處該員照

行新考試例革退舉人庶滿洲漢軍不致混行
考試。

乾隆三年議准御史杏拉條奏滿洲漢軍考試
各有一定籍貫惟包衣人員有投充莊頭子弟
隸內務府管轄編入上三旗者又有舊漢人在
內管領下及五旗王公所屬包衣旗鼓佐領內
者此等人員原係漢人因考試之時俱由滿洲
都統咨送是以從前每有在滿洲額內入學中
式者雍正十一年經吏部奏准改正在案迄今

日久。包衣人員。或有不知此例者。應行又內務
府。併八旗滿洲都統。將雍正十一年吏部奏准
之後。有包衣舊漢軍人。誤在滿洲額內。入學出
貢。中式舉人。應歸漢軍額內考試者。定限三個
月。逐一查明緣由。取具該叅佐領印結。造具清
冊。咨送禮部存案。俟鄉會試時。禮部按冊查對。
如仍有混行造入滿洲籍貫者。卽行叅奏。將該
管官交部議處。至嗣後包衣人員考試之時。內
務府及八旗滿洲都統。務須嚴飭該管官。逐一

查明實係滿洲蒙古人員於本人名下註明滿洲蒙古字樣冊送外。其投充莊頭子弟及內管領旗鼓佐領之舊漢人俱註明緣由歸入漢軍額內考試。其再有將應歸漢軍考試之人造入滿洲冊內咨送者。一經查出卽行叅奏。照吏部原議將該管都統佐領分別照朦混造冊例議處。

乾隆二十一年議准查乾隆六年題准八旗開檔人等止許另戶抱養民人另記檔案者准其

在旗考試。其一切開戶另記檔案人等。概行禁止考試。等因在案。今八旗另記檔案人等。荷蒙恩旨。俱令出旗爲民。應照各該旗造送之冊。將此項另記檔案。文武舉人。文武生員。貢生。監生。繙譯舉人生員。仍照從前舊例。原係另戶抱養民人爲子者。歸入民籍。仍准考試。如本係家奴開戶另記檔案者。其本身係文武舉人。生員。貢生。監生。繙譯舉人。生員。准頂帶終身。不准再行考試。再此項人等。既經出旗爲民。所有子孫。應各照該

籍民人例一體辦理。

乾隆三十三年。議覆順天府參奏。新科中式舉人內。鑲白旗漢軍。楚維榮。楚維齡。卷面並不註明漢軍字樣。混入滿洲額內取中。照雍正十一年吏部議定漢軍冒入滿洲中式者。照冒籍革退舉人之例斥革。

道光十四年。劄覆順天學政咨稱。張鳴周旗檔無名。應入民籍考試。經咨查正藍旗及內務府據覆稱。莊頭張廷璽。並伊子鳴周。丁冊內並無

其名查例載內務府承領官地莊頭及王公戶下。由內務府撥出之莊頭。旗檔有名者。歸入本旗漢軍考試。所生子孫。不得復入民籍冒考。旗檔無名者。歸入民籍考試。所生子孫。不得混入旗籍冒考等語。今張鳴周旗檔無名。應准其歸入民籍考試。其子孫不許混入旗籍冒考。

道光十六年。准荊州將軍咨覆。道光二年查辦民人冒入旗籍案內。因喜桂原係抱養民人之子。冒入旗籍。奏蒙

恩准食餉當差及身而止。因不准歸入旗籍考試。是以
情愿告退錢糧。入江陵縣民籍會試等因。查湖
北荊州駐防文舉人甲兵喜柱。既於道光二年
奏蒙

恩准食餉當差及身而止。自未便於此時忽又改入民
籍考試。所有該舉人呈請改籍及更名劉華晉
之處。應毋庸議。應行文該將軍遵奉道光二年
諭旨。令該舉人喜柱仍舊食餉當差。另冊註明及身而
止。以杜歧異。

冒佔商籍例案

乾隆十六年覆准署理兩廣總督蘇昌奏廣東商籍生員平時半同本籍並非真正商人子弟請

勅下該督撫學政鹽運使嚴加察覈必實係商人子弟在行鹽地方居住不能回籍應試者方准入籍如雖係商人一族而不往行鹽地方及他姓冒入者查出將保送之該商議處

乾隆十七年議覆浙江學政彭啟豐奏稱今歲

官生內有王紹先徐玉佩二名。徐玉佩係江南歙縣編修徐光文之姪。王紹先係江南婺源縣庶吉士王應瑜之姪。官籍既在江南未便在浙江官生內考試。應請改歸安徽准作官生等語。查官卷應試或商或民應隨祖父之籍不容牽混。但官員之同胞兄弟或在他處行鹽其子已經隨父在行鹽地方入學。卽爲商籍中之卷。若因叔伯在本籍得官復准改歸以充官卷是冀入學則就商思中式又歸民不便以。

國家取士之典。徇弋取功名之計。徐玉佩王紹先
既由浙江商籍進學。仍令以浙江商籍民卷應
試。所請改歸安徽作爲官生之處。毋庸議。該學
政又稱父兄現登仕籍。例應列爲官生。猶借族
姓。鹽引考試。商籍實爲混淆。請嗣後祖父嫡叔
伯係屬官籍。其子孫弟姪已經入學商籍者。照
寄籍改歸。未入學者。不得再隸商籍考試。違者
罪同頂冒等語。查人戶以籍貫爲定。但其中尙
須分別其本官由民籍中式者。其子孫應於民

籍內編入官卷不得復冒商籍應如該學政所
奏辦理若本官原由商籍中式其子孫應於商
籍內編入官卷亦不得復於本籍重編官卷再
查商籍應試必父兄行鹽方准保送若借族姓
鹽引考試商籍卽應照冒籍例處分

除浙江一
省外他省

不得於商籍編入官卷詳見乾隆
五十二年咨覆浙江巡撫案內

乾隆二十三年議准江蘇學政李因培條奏寄
籍下江之徽商去原籍不遠其子弟旣得回籍
應試而行銷浙鹽在浙省杭州府復設有商學

准其考試不便重佔揚州商籍以滋冒考之弊
嗣後除徽郡之人挈家入籍者地方官遵照入
籍定例辦理外其應考商籍者應令該學政及
鹽運使嚴加察覈不得徇縱至於考試商籍務
以引名爲據不得憑捐照所開之寄籍借以爲
子弟冒考之端其從前以寄籍報捐者均應查
明令其改歸原籍咨部換照

乾隆二十七年議覆廣東學政鄭虎文奏稱廣
東省埠商卽有別省人充當者請將該商子弟

勒歸本籍應試等語。查廣西江西福建湖南四省。既係行銷廣東官鹽。則伊等均係辦商子弟。自應編入商籍。未便禁其考試。况清釐籍貫。但當分別其爲商爲民。不應於商人之中。又爲區別。反致偏枯。所有廣西等四省。準商嫡屬子弟。應仍照舊例。與商人子弟一體考試。

乾隆四十三年。軍機大臣會同查辦吏科給事中吳湘奏。會試中式舉人潘鷺杭光晉。冒入山東商籍一案。查潘鷺杭光晉。俱籍隸浙江。均係

現任濟寧州知州藍應桂之壻冒估山東運籍入學中式後又不遵例改歸仍以山東商籍赴京會試實屬顯違例禁應行斥革仍照違

制例杖一百藍應桂現任山東官員明知伊壻等冒籍並不禁阻又不勸令改歸實屬瞻顧親誼應請

旨革職其有無囑託情弊令山東巡撫國泰嚴查覆奏其從前入學時濫行收考之鹽運分司鹽運使並令查取職名送部議處未經查出冒籍之前

任學政張若淮李中簡一併交部議處。出結之商人認保之廩生俱查明照例辦理。潘駕之父潘汝誠曾任山東濮州知州。該員升任江西之後。潘駕入學。曾經記信通知。乃不令據實呈報。改歸亦屬不合。應交部議處。再請嗣後凡有商籍省分之各督撫學政。飭屬嚴查商籍內有本省現任地方官之子弟親族在彼冒籍者。除本人斥革外。將該員查叅革職。其已經離任後。尙有子弟親族在彼冒籍者。查明斥革。仍將該員

議處至並無父兄在該省居官。僅由商人招引
冒籍者。俱著自行呈報改歸。如敢隱匿查出。斥
革。此次查辦之後。仍有冒籍別經發覺者。原查
之督撫學政。及該管各官。交部議處。嗣後止許
領有鹽引。合例官商之親子弟。姪應考。併於結
內三代下註明。現行何地引鹽。及住居地方。以
憑查覈。其疎族及商夥子弟。一概不准冒考。儻
不敷入學額數。任缺無濫奉。

青藍應准僅子革職。尙不足以蔽辜。著發往軍臺効力。

贖罪。餘依議。欽此。

又大學士九卿議准御史戈源條奏近來商學商人子弟日少外省假冒日多請將商籍生員一體勒回原籍將各處商學運學各額概行刪除等語查商學運學額數既多寡不等文風亦高下不齊是以南省之人每樂向北省夤緣倖入若覈實定額卽本商亦不肯輕以子人應請勅交各督撫學政通查各省真商親子弟姪應試者覈計人數多寡另行酌減學額具奏

欽定至鄉試本有一定年分。生童進學後。或仍在商籍考試。或卽歸本省考試。均宜酌量情形。妥協籌議。若實因道路寫遠。必在商籍就近應試。當照直隸從前另編鹵字號之例。定額取中。除廣東舊設有鹵字號中額外。其餘直隸江南浙江山東山西陝西均查明從前另設鹵字號之例。歸於該省定額內。五十名取中一名。雖應試多至數百名。總不得過二名之額。如有因人數過少。不敷取中。情願改歸本籍者。准其呈明改歸。

又議准山東學政姚梁條奏。商籍之設。原因民人遠出充商。其子弟不能回籍應考。准在行鹽地方入籍。若在本省充商。既非難回原籍。恐有一人兩名。既冒商籍。仍佔本籍。且有父子兄弟。籍貫兩歧者。嗣後實係遠商。其子弟照例收考。若在本省充商。令歸本籍應考。不得以領有鹽引。概入商籍。其有假借鹽引。冒認商人子弟者。一經發覺。將本人及綱保廩保。並借給鹽引之商人。一併分別治罪。但商人或有將原引轉售。

而引名未改者應交鹽運使確查現在執引行鹽之人指名查辦不得仍以原引爲憑。

又議覆閩浙總督楊景素奏稱浙省商籍內別省之人領引行鹽而家住本籍並不遷居杭省概不准入商籍等語查商籍考試當以現在執引行鹽爲憑不必拘泥省分及遷居與否凡該商親子弟姪應一體准其應試。

又議准直隸總督周元理奏長蘆商籍生員每科五十餘名應照從前另編鹵字號五十名取

中一各人數雖多不得過二名之額不及五十名不准取中亦不必攤入民卷有願改歸原籍者聽其本地商人悉歸本籍應試至順天鄉試房考閱卷有南北互相迴避之例應交該督將函字號應試者豫查原籍咨報順天府臨場令內簾迴避併造冊送部以憑磨勘時查覈至竈籍一項據查竈戶等住居以久與土著無異應照舊歸入北貝字號應試

乾隆四十四年吏部議覆江蘇巡撫楊魁奏稱

原任山東嶧縣知縣張若谷籍隸江寧縣乾隆
九年被叅革職回籍伊長子張枚次子張啟俱
於山東任所入贅商人楊作舟家爲壻於乾隆
七年十八年先後冒入商籍考議進學後張枚
出任江西萍鄉縣知縣於二十九年因刁民拒
捕案內附叅革職三十六年奉

旨賞給降二等職銜現在江寧府原籍其張啟由舉人
挑選籤掣湖北補房縣知縣應將現任湖北房
縣知縣張啟革職並革去張啟降等職銜等語。

查房縣知縣張啟等係在伊父張若谷山東嶧縣知縣任所。冒入商籍進學後出仕。均例應斥革。應將房縣知縣張啟照例革職。原任江西萍鄉縣知縣張綏照例革去降二等職銜。至原任山東嶧縣知縣張若谷。雖久經系革回籍。仍應議處註冊。應將原任山東嶧縣知縣張若谷照例革職註冊。

又議覆山東巡撫國泰奏。該省商籍入學後另編鹵字號。鄉試如應試人數不敷。有願改回本

籍者。遵照原奏辦理。

又議准署理兩廣總督李質穎奏廣東商籍。鄉試另設鹵字號。六十名。取中一名。惟查該省鹵字號中額。係於民籍外另設。如人數不敷。不准取中。亦毋庸攤入民卷。其情願改回本籍者。聽取。又浙江巡撫王亶望奏稱。浙江商籍情形。與他省迥異。查兩淮則專收消乏西商。長蘆等處。則專據現在配消行引。浙江省兼而有之。所以每年應試。常有六七百人。此次清釐商籍。乏商後

裔竟居十之七八。自應遵照開除。至現在行引情形。亦有不同。查兩浙商人。俱係杭州徽州及蘇州松江常州鎮江等郡之人。新經部議。本地行鹽。仍歸民籍。杭人行浙鹽。自應歸民籍考議。而兩浙引地。跨越三江。其徽州及蘇州松江常州鎮江等郡。卽係行銷浙鹽之地。本籍行鹽。遠就商籍應試。不特情理未合。尤覺與例不符。且領引亦有不足據者。兩浙行銷正餘引。每歲不下一百餘萬。其間銷乏頂退事。所恆有。若執引

爲憑。如本係乏商子弟及素不業鹽止於臨試時或一人頂認數引數人合頂一引暫執爲憑。試後卽以銷乏稟退是本因行鹽而浸尋寄籍。反因冒籍而暫假行鹽條頂俟退更屬不成事體。卽本童是否冒考與兩籍跨考等弊在官止憑引目而甲商廩保亦恐未能周知若輾轉行查事屬紛繁且非一時可了。再查兩淮商籍以徽州離本籍尙遠不准在彼考試浙省距徽州較兩淮爲更近而蘇州松江常州鎮江等處更

官卷原指隔省充商者而言。所以杜規避。跨考之弊。若浙江商籍入學後。附入杭州府仁和錢塘三學。與民籍無異。其民商籍貫。既無分別。而商籍並不另編函字號。本與各省情形不一。且官卷例不分民商籍貫。惟本官係他省籍貫。其子弟不得於行商省分。編入官卷。若本官實係本省。其子弟不分民商。俱編官卷。所有商籍生員內。實係本籍。而以商籍入學者。即可由商籍編爲官卷。毋庸改歸民籍。

道光十七年。廣東巡撫咨。候補訓導李培元。由廣東商籍入學。補廩捐貢。加捐教職。可否照候補教職。一體起文應試。歸入民卷辦理等因。查定例。廣東商籍。於民籍外另設鹵字號。六十名。取中一名。如人數不敷。不准取中。毋庸攤入民卷。其情願改歸本籍者。准其呈明改歸等語。今廣東商籍廩生李培元。報捐教職。該員雖係候補教職。究係商籍廩生。自應仍照定例。歸入商籍辦理。不得改入民卷。致滋弊混。

道光二十一年。據舉人張于蕃呈稱。係山東樂陵縣竈籍。由天津府商學廩生。中式順天舉人。上年會試。誤將天津二字漏寫。是以歸入山東原籍。今本年會試。取具直隸京官印結。呈明更正等因。查舉人張于蕃。係由直隸天津府商學廩生。中式順天舉人。自應歸入直隸考試。

道光二十五年。具奏浙江仁錢兩籍商籍童生。向係合進分撥。場中卷面並不註仁錢字樣。以致父子籍貫。未能盡一嗣後浙省商籍各生。除

父子異籍者應遵奉

諭旨限一年內呈明更正外其應考童生應如該學政等所議該童父兄曾撥何縣者應從父兄之籍如初次報考以現居室廬爲斷均於卷面註明仁錢字樣各按本籍取進分撥毋許再有含混奉

旨依議欽此

冒佔衛籍例案

道光二十五年准江蘇學政咨現有太倉鎮海

兩衛旗丁互考。查太鎮民籍同城通考。陸續詳
請更正。則衛籍旗丁自應以衛備編身冊籍爲
斷。不能任便太衛者鎮洋。鎮衛考太倉等因。應
如所者。江蘇太倉鎮海兩衛旗丁均以衛備編
身冊籍爲斷。各歸坐落州縣應試。不得任便互
考。

管佔軍籍例案

乾隆二十五年。議准西安按察使條奏。各省軍
流發遣及安置爲民各犯。原係罪應遷徙。旣到

配所係彼處編氓如有嫡屬子孫同赴配所情願考試者令該犯到配時呈報地方官立案不拘年限准其入籍考試乾隆五十二年奏准候至配所十年准其入籍考其非嫡屬子孫雖隨行撫養概不許託名混冒仍責令地方官嚴行稽查儻有倚恃親屬希圖冒籍者本犯照例治罪失察之地方官照混行收考例降調

乾隆五十二年大學士九卿議准順天府尹吳省欽奏稱嗣後軍流子孫如係到配後所生成

丁在十三四歲以上者。准作軍籍外。其在本籍所生。必須發配時。驗明實係隨行。俟其隨配十年。方入軍籍。仍由配所將入籍緣由。咨明本省。俟至配所十年。方准入籍考試。自爲嚴立限制起見。應如所奏辦理。並請嗣後軍流發配時。由該地方官。查明本犯嫡屬子孫隨配者。分別年歲。填註文批。遞交配所之地方官。驗明立案。俟扣定年限。再准入籍。其或本犯在籍時。已生親子。又立有繼嗣者。止准親子隨配。繼子勒歸本

宗若本犯在籍時。委無親子。久經立繼有案者。准將繼子隨配。俟到配後有親生子。而繼子原籍確有嫡屬可倚。仍將繼子放還本籍。勒令歸宗。不得戀佔軍籍。至本犯原有子嗣數人。不願俱赴配所。卽分別去留立案。已留本籍者。不得再入配所軍籍考試。已隨配所入籍考試者。不准復回原籍考試。統俟十年限滿。由配所督撫將入籍緣由報部。並移咨本省備案。以杜日後跨考之弊。如此嚴立防範。則摺冒僥倖之風。自

可永戢矣。

附載舊例

康熙三十五年覆准。鄉試如有冒籍中式者。將正副主考官。交與吏部察議。

又覆准。順天鄉試。雲南貴州四川廣東廣西福建湖南甘肅。此八處在京應試者。仍取正印京官印結。或取同取官保結。親身赴部投遞。如有假冒。將出結官員。一併議處。

康熙三十九年覆准。除入籍二十年以上者。照例不議外。凡在京冒籍舉人貢監生員。以部文到日爲始。限兩個月內。具呈自首。禮部查明。改歸原籍肄業。如過期不奉行。仍照例黜革。其出結等官。亦於兩月內檢舉。過限者。仍照例議處。嗣後凡有假冒籍貫者。或被告發。或被糾參。查審明確。卽行黜革。仍交刑部。

康熙四十年覆准。廣西從前冒籍舉人。勒令改

歸原籍出結等官。令其自行檢舉。

康熙六十年議准直隸官籍進士舉人生員照三十九年例。以部文到日爲始。限兩月內具呈自首。申報查明。改歸原籍肄業。如過期不行。呈首。事覺斥革。交送刑部。照假官例治罪。

又議准直隸保定等衛軍戶。歷年甚久。卽係土著。恐不肖之徒。假冒衛籍。著嚴飭府縣教官查明出結。中式後。有頂冒等弊。本生照假官例治罪。送考及出結官員。照徇庇例處分。廩保黜革。雍正十二年覆准。奇籍之舉人副榜。及恩拔歲貢。勒限三個月。許呈首地方官。申詳督撫學政。及藩司各衙門。逐一查明。改歸本籍。聽候銓選。其現任教官內。有本邑及鄰邑之人。亦令呈明改歸。仍聽隔府調補。如逾限不行。呈明查出。照例題叅。分別斥革治罪。至由俊秀寄籍。捐納貢監生者。亦令地方官查明。飭令依限改正。乾隆十年。覆准順天府丞鄭其儼。併工部侍郎。勵宗萬條奏。凡冒籍順天。除入籍二十年。並無

原籍可歸者不議外。其未滿二十年及實有原籍可歸者。統以部文到日。一年爲限。現任科甲京員及候選之進士舉人貢監俱赴大興宛平兩縣具呈。申詳順天府。廩增附生赴該教官具呈。申報順天學政一體咨歸本籍。仍分別報明吏部禮部註冊。其生員食餼挨貢悉遵舊例。照本生年分次序。儻逾限不改。查出斥革。現在京員照規避例革職。如該管官不行查出。別經發覺。將奉行不力之該管官照槍手日久潛歸原籍。地方官漫無覺察。仍聽應考例罰俸一年。乾隆二十一年大學士忠勇公傅恆等題覆。冒籍例禁甚嚴。乃士子懷倖進之心。希圖詭遇。而地方官日久視爲具文。並不實力奉行。以致本科冒籍順天者轉多於前。若非徹底清釐。弊不能絕。今御史范域士所奏專指南人冒入北皿御史陳慶升所奏則指江浙冒入北貝者均應如該御史所奏。

勅

下順天府示諭。本科北皿北貝中式舉人有南人冒

入者於填寫親供時自首改歸原籍如不早自首別經發覺照例斥革再今科冒籍中式李駿等僅令首明改歸不足示懲應將李駿等三十人並今科首明冒籍舉人俱罰停會試一科以儆冒監又該御史陳慶升奏稱現任翰林薛田玉丁田澍司員杜玉林周際清華雲鵬張少泉又如馬錦昌毛師灝馮秉忠馬國果余繼紳等皆久經中式應改歸原籍之人內除薛田玉馮秉忠馬國果業經改歸江南原籍毛師灝緣事斥革外其現爲職官者應照違

令笞五十私罪律將翰林院丁憂編修丁田澍戶部丁憂主事張孝泉於補官日各罰俸一年刑部主事杜玉林周際清工部主事華雲鵬各罰俸一年原任知縣緣事降調馬錦昌舉人余繼紳均於得官日罰俸一年仍各令其照例改歸又單開本科舉人龍承祖係現任雲南師宗州知州龍廷棟之子陳敬係翰林院庶吉士平聖臺之弟吳鍾儔係廣東靈山縣知縣吳玉慎

之子張輝係原任大興縣知縣唐續祖之孫伊等身列職官於子弟冒籍不能覺察亦屬不合除平聖臺現據赴部呈明陳敬係同祖分居之弟冒母姓入籍大興並非胞弟應令順天府確查咨部再行辦理外應將雲南師宗州知州龍廷棟廣東靈山縣知縣吳至慎原任大興縣知縣升任北路同知唐續祖均照違

令笞五十公罪律罰俸九個月查唐續祖已經革職其罰俸之處仍應註冊至本科冒籍舉人其父兄現任職官者必不止此數人應俟順天府查明之日俱照此議處至從前冒入北籍者除入籍二十年無原籍可歸者免議外其餘並照該御史等所奏辦理

乾隆二十三年咨覆江蘇學政李因培咨稱順天學院咨開直隸冒籍自首改正各生卽據所首姓名三代行查原籍取結方准咨回入冊今江蘇布政使查明杜因培等二十三名轉飭各學新收肄業外再查原奉

旨內有停鄉試一科之處。細釋

諭旨。似指未經查明者言。今該生等業經查明撥回。是

否准其一體鄉試等因。查乾隆二十二年議覆

順天學院條奏奉

旨將旨籍各生。停其鄉試一科在案。此項冒籍生員。定

例俱應斥革。今勒限清釐。准其改回。原係格外

之仁。停其鄉試一科。所以儆杜冒濫。應遵照

諭旨辦理。

乾隆二十七年議准。江南浙江俱有商竈籍。鄉

試入場。均未另編字號。直隸事同一例。嗣後鄉

試統入北貝。毋庸另編鹵字號。

又議覆廣東學政鄭虎文條奏。查廣東商籍鄉

試。其應試者不下百餘名。而定額止取中一名。

較之民籍難易迥殊。若勒令改歸民籍。則凡各

省商人之在粵者。轉可借土商名色。朦朧影射。

希圖民籍中式。是欲清厘商籍。反致引商入民

弊端。由此滋甚。於廣東殊無裨益。應令該學政

於臨考時。切實稽查。倘有重考冒籍者。即行照

例嚴辦。

附載駁案

嘉慶十四年，嚴覆提督衙門咨，山東鹽商張青簡等呈請運學生員散入民卷鄉試等情，到部查張青簡等所呈，或鹵字號不拘人數，准予入闈，或比照浙江運學附入杭州府仁和錢塘三學之例，不必另編鹵字號之處。本部查與例案不符，礙難覈准。

嘉慶十九年，會議吏科掌印給事中吳邦慶條奏，清釐冒籍一摺，查原奏內稱，順治元年題准，設寓學於京城，應請仿照舊例，於寄籍年限未滿者，另設寓籍，卽於大興宛平兩縣入學額內撥給，毋庸另增額數。至鄉試時，另編字號，酌定五六十卷取中一名。會試時，仍可歸入各該省試卷內取中。前數科中式鄉試者，俱照舊例，飭令報明改歸原籍。至冒籍報捐貢監者，亦宜一

體改歸等語。查例載順治元年設寓學於京城。二年卽將寓學諸生俱各發回本省。當時自因流寓人多恐妨大興宛平兩縣學額是以隨設卽改其爲格礙難行。已可概見。今若設立寓學如撥額較寬各生紛紛投考勢必多佔大興宛平兩縣學額於土著土子不無偏枯。儻撥額較隘各生難於取進又必仍得冒籍於防弊之道亦屬有名無實。所有該給事中奏請復設寓學之處應毋庸議。